



Oktober / Tetor 2019

albanisch

## Jepni, dhe do t'ju jepet.

(Lk 6,38)

**Kontakt:** Meinolf Wacker  
Kirchplatz 7  
59174 Kamen

Telefon.: +49-172-5638432  
E-mail: [meinolf.wacker@go4peace.eu](mailto:meinolf.wacker@go4peace.eu)  
Homepage: [www.go4peace.eu](http://www.go4peace.eu)

---

**Ji konkret!  
Be concrete!**

Të dashur miq të fjalës!

Ishte e premtja para Pashkës – natën vonë. Duke qënë se kjo ditë nuk ishte festë zyrtare në Francë, ajo ishte nisur pas orës 18:00 me tren. Në orën 23:00 ajo mbërriti. Ne dolëm dhe e pritëm atë tek stacioni i trenit. Ajo kishte ardhur me rastin e krezmimit të shoqes së saj të ngushtë. Ato u takuan tani pas një kohe të gjatë. Një gëzim i thellë ngjitës mund të ndihej në mesin e tyre. Dita pasardhëse ishte një ditë përgatitjeje. Ne po përgatiteshim për festën e Pashkës. Elodie, që kishte ardhur nga Parisi, ishte mes nesh dhe po jepte maksimumin e saj aty ku ajo mundej.

Festa e natës së Pashkëve filloi. Shoqja e saj e mori sakramentin e krezmimit. Një moment shumë prekës. Unë e pashë Elodinë në sy. Ajo ishte shumë e prekur. Sytë e saj shkëlqenin sikur „një portë të ishte e hapur në qiell“, plot gëzim dhe paqe. Dy ditë më vonë ajo duhej të kthehej përsëri në Paris. Ajo më shkroi më pas: „Unë isha pak e trishtuar, sepse për një kohë të gjatë e kisha harruar se si është prezenca e Zotit në jetën time të përditshme. Dhe tani e kuptoj se unë mund t'i lutem atij për çdo gjë, sepse ai është aty dhe unë jam gjithmonë e ftuar të lutem edhe për të tjerët. Këtë gjë e kam zbuluar këto ditë.“

Mua më kujtohet Madeleine Delbrêl, e cila në vitet e rinisë kishte zbuluar se „Zotin mund ta duash, siç do një njeri“, kjo gjë e kishte ndyshuar jetën e saj krejtësisht. Të njëjtin gëzim e kishte përjetuar Elodie. Nga gëzimi, ajo kishte shkuar, për të takuar Jezusin tek çdo njeri që takonte në rrugë. Çdo njeri që ajo shihte, ia paraqiste Zotit.

“Jepni dhe do t'ju jepet!” u kishte thënë Jezusi miqve të tij. Dhe pastaj ai shtoi: “Masë e mirë, e dendur, e tundur me grumbull do t'ju jepet!” Këtë “masë të dendur jete“ pata mundësinë të shoh në sytë e Elodisë. Ajo kishte dhënë shumë dhe kishte udhëtuar me kilometra për të qënë pranë shoqes së saj. Shumë e mbushur ajo po kthehej në shtëpi. Zoti e kishte prekur zemrën e saj përsëri. Ajo kishte marrë: shumë dhe me bollëk. Dashuria që dhurohet është gjithmonë konkrete. Pra: **Ji konkret! – Be concrete!**

për OnWordTeam

Meinolf Wacker